



II.
L. 6716.
e. 9.

6716. II. L. e.





Register vnd summarischer Inhalt / aller der **Windischen** Bücher / die von **Primo Trubero** / bis auff die **1561.** Jar in **Truck** geben sind / Vnd jetzundt zum andern / in der **Crobarischen** Sprach mit zweyerley **Crobarischen** Geschufften / nämlich / mit **Glagolla** vnd **Ciruliza** / werden getruckt / (dise Sprach vnnnd Búchstaben / brauchen auch die **Türcken**) darbey ist ein **Vorred** / die zeigt an / warumb diser **Elenchus** oder **Register** getruckt sey / vnd was hernach / in gemelten Sprachen weiter **verdolmetscht** vnnnd **getruckt** werden soll.



PHIL. II.

Alle Zungen sollen bekennen / das **Jesus Christus** der **Herr** sey / zu **Ehre** Gottes des **Vatters**.

Getruckt zu Tübingen bey **N. rich Morharts Wittib.**

1 5 6 1.

Das Crobat-
eisch Alphabet/
mit Lateinisch-
en Buchstaben.

A	B	V	G	D	E	SCH
As,	Buki,	Vidi,	Glagolie,	Dobro,	Ieft,	Schiuitl,
Zemlia,	I	G	K	L	M	N
l,	Ge,	Kako,	Liudi,	Mislite,	Nash,	
On,	Pokoi,	Erci,	Slouo,	Terdo,	Vk,	Fert,
Chir,	Shchia,	Ci,	Tzeru,	Sha,	Iat,	Ius.

Die Crobat-
eischen Ziffer.

1	2	3	4	5	6	7	8	9	10	20	30	40	50	60	70	80
90	100	200	300	400	500	600	700	800	900							
1000	2000	3000	4000	5000.												

Die Cirulischen Buchstaben seindt jetzt auch im Werck / das sie geschnitten vnd gegossen werden / mit wölhen die Bücher / so im nachuolgenden Register begriffen / auch andere getruckt werden.

Dem Christlichen / Ed-
len / vnd Wolgebornen Herrn / Herrn
Hansen Vngnaden / Freyherrn zu Son-
neg / vnd Röm. Key. Mai. Rath / ic.

Snad vnd Frid von Gott dem Herrn / durch
Jesum Christum.

Wolgeborner vnd gnädiger
Herr. Das ich diß Register / in dem die
fürnämbssten Stuck vnd Materien / als
ter meiner bissher getruckten Windischen
Bücher / ordenlich vnd kurtzlich begriffen /
vnd darinn auch angezeigt würdt / was ich vnd meine Mit-
gehilffen / hinfür / in der Windischen vnd Crobatischen
Sprachen / züddolmeeschen / vnd mit zweyerley Crobat-
eischen Bächstaben / nämlich mit Slogola vnd Cirultza /
(deren sich auch die Türcken gebrauchen) zu trucken im
Willen / hab außgehn lassen / geschicht auß zweyen nach fol-
genden Ursachen. Die erst ist dise. E. S. ist wissende /
wölcher massen im nächstuerschinen Jar / durch ein / oder
villeticht mehr / vnwarthaffe / böß Menschen / mehr dann an
einem Ort in Teitschen Landen / nicht allein vor den ri-
deren / sonder auch namhaffteigen / vnd höhers Stands
Personen / ich versagt vnd außgeschrien bin worden / als ob
ich ein Schwärmer sey / vnd irrige Opiniones / die der
Augsburgischen Confession züwider / in meine Windische
A ij Bücher

Norred.

Bücher gesetzt / vnd trucken lassen / 20. Vnd wiewol ich dise
erriethe falsche Angebung / vnd Bezüchtigung / vor denen /
die mich deswegen haben offentlich angerede / mit glaub-
würdigen / briefflichen Erkunden vnd Kundtschafften / der
Gotteseligen Christen / auß den Landen Crain vnd vnder
Steier / die mich 17. Jar lang in der Windischen Sprach
haben gehört predigen / vnd die meine Bücher lesen vnd
verstehn / vnd mit aufrichtigen vnd versigelten Abschei-
den / der zweyen Reichstetten / Rottenburg an der Taus-
ber / vnd Kempten (deren Prediger vnd Pfarber ich 14.
Jar nacheinander gewesen) gnädig von mir abgeleinde /
vnd mich nach aller notturfft entschuldigt / auch darneben
erwisen / das ich mich bissher / allenehalben mit dem predi-
gen / dergleichen mit schreiben vnd trucken / in allen Artickeln
vnser Christlichen Glaubens / der Prophetischen
vnd Apostolischen Geschriften / im rechten Catholischen
Verstand / vnd den dreyen Symbolis / den ersten Christli-
chen Concilij / vnd der Augspurgischen Confession gleich-
förmig / vnd gemäß gehalten / vnd hinfür mit hilff des All-
mächtigen / mich halten will / vnd darbey mein Leben be-
schliessen / vnd durch Christum ewig selig werden / Amen.
Zu dem / so hat der Durchleuchtigste / Christlich König zu
Beheim / 20. wie E. S. sollich auch wol wissen / meine ge-
melte Bücher / durch verstendige der Windische Sprach las-
sen indicieren / die habens für recht vnd Christlich erkant.
Aber nichts weniger / will diß obgemelte heimlich / falsch
von mir außgeben / bey jren ecelichen nicht erlöschten / noch
in Vergess kommen. Dann im Herpst jüngst vergangen /
ist Stephanus Hysterreicher / mein Gehülff / zu Nüren-
berg

Vorred.

berg von etlichen Predicanten vnd Burgern angesprochen vnd befragt worden / ob ich eigentlich Zwinglisch / Calvinisch / Schwencckfeldisch / oder dergleichen Secten anhengtig vnd verwannt seye. Vnd in dem Land Crain / vnd in den anderen vmbtligenden Windischen Landen / die Romanisten auch dergleichen von mir reden / vnd meine Bücher schelten / vnd nennen die Leute / wölche meine Bücher haben vnd lesen / vnd zu jren Abgöttischen Messen nicht mehr gehn / Sacramentierer / Sectierer / Auffrüerer / vnd abtrinnige von der Catholischen Kirchen / vermeinen also mit dem löstere / den lauff des heiligen Euangelij / bey den gütherzigen Windischen vnd Eröbatten züerhindern / vnd wo sie mich in Gefäncknuß / oder vmb das leben heimlich brechen / wurden sie dermassen auch von mir außschreyen / vnd die einfältigen bereden wöllen / ich were ein Schwärmer vnd Sectierer gewesen / wie solches jren vilen beständigen Christen beschehen / vnd noch an vilen orten geschicht.

Nun disen von mir außgegebenen vnd außgebreiteten Lügen / jetzunde zu diser zeit in der Eyll / vnd da ich mit schwären Beschefften vnd grossen Sorgen beladen / hab ich nicht anderst gewünscht zübegeggen / vnd dieselbigen bey allen frommen Teütschen abzuleinen / dann durch diß Register / wölches ich zu der zeit / da das obgemelt falsch Beschrey von mir außkam / auß Beuelch des Durchleüchtigen / Gottseligen / vnser gnädigen Herrn vnd Landfürsten von Württemberg / ic. auß meinen Windischen Büchern / auß das kurtzest außgezogen vnd züsamen gefast / vnd dises jrer

Vorred.

chen meines getruckten Windischen Buchs / von Kempren
vnderhängigt zugeschickt. Dann auß diesem Register ein
jeder Gottseliger / frommer Teütscher / mag leicht vnd laut-
ter verstehn / abnehmen vnd vrtheilen / das die obgemelt be-
schuldigung / auß Neid vnd Hass / vnd mit Vngrund auff
mich außgossen vnd erdicht worden. Dann im Register /
wie auch in allen meinen Büchern / findet man klar / das ich
allein die Bücher verdolmeische / vnd trucken lasse / wölche
der Augspurgischen Confession verwandte Theologen /
(wölche Christliche Augspurgische Confession / wils
Gott / auch bald Windisch vnd Crobattisch getruckte soll
werden) verhedigen / auch für recht / güt vnd Christlich
schetzen vnd halten. Vnd auß diesem Register / würde auch
ein jeder verstendiger Christ / so wol als auß meinen Bü-
chern wissen vñ erkennen mögen / wo ich auß Verhenckniß
Gottes / von den Romanisten gefangen / oder heimlich ge-
tödt wurde / warumb / vnd von wölches Glaubens wegen /
mir das von jnen widerfahren / &c.

Die ander vnd fürnämist rsach dieses getruckten Regis-
ters ist die / seitmalen auß sonderm fürsehen / vñ vñd Ver-
ordnen Gottes erst jetzundt / in disen bösen letzten Zeiten /
die heilige Biblische geschriffte / vnd andere Gottselige Bü-
cher / auch in die Windisch vnd Crobattisch Sprach verdol-
meische / vnd mit dreierley Bächstaben gedruckt werden /
Wölliches seit die Welt gestanden / nie geschehen / dann die
Windisch Sprach ist bisher nie geschriben / vil weniger
getruckte worden. die Crobatten haben sich gleichwol nun
lange zeit her / irer Beschriffen gebrauchte / aber kein gantze
Bibel / kein gantzen Catechisimum / kein Postill / noch an-
der

Vorred.

der Christliche Bücher / aussershalb ihrer vnuerstendigen
Brieff und Messbücher / bis her in ihrer eignen Sprach nicht
gehabt. Vnd dieweil dieses Crobatischen Dollmetschen/
vnd trucken / auff E. S. hoch ermanen / vnnnd zugesagete/
auch bewisne Hilff / ich mich mit meinen Gehilffen hab
vnderstanden / rñ seit wirs angefangen / sich mit der That
vnd im Werck befinde / das dise Arbeit eines grossen Ver-
lags bedarff / seitemal zwñ ganze neue Truckereien mit
neuen frembden Buchstaben / anzurichten / die Dollmets-
scher vnd Setzer / Puntzenschneider / Giesser / vnnnd ander
mehr darzū gehörige Personen / von weiten Landen / mit
Weib vnd Kinden zūbringen / sie vnd die Trucken zūbesol-
den / vnnnd mit Papp zūuerlegen / Item die getruckten
Bücher / mit grossen Vncosten / über 100. Meil zū-
schicken / vnnnd von denselben mehr dann den halben theil /
vmb sonst auszūtheilen / dann der gemein Man / in Wens-
disch vnd Crobatischen Landen / der vom Türcken vnnnd
anderen bösen Leuten / on vnderlass beraubt vnd verderbt /
ist ganzellendt vnd arm.

Darumb vnd von deswegen / Benädiger Herr / wöllen
wir dis angefangen / Gottselig / noetwendig / nützlich vnd
hohes Werck (dardurch in Sclauonia / Croatia / Dal-
matia / Seruia / Bosna / vnnnd in der Türckey grosse
mānig Volcks / vermittelst Göttlicher Gnaden / vnnnd
wirkung des heiligen Geists / ohn die nichts beschehen
kan / zū rechter Erkenntnis Gottes / vnnnd seines lieben
Gons kommen / vnd zū ewigen Lebens erhalten werden)
recht angreifen / loblich vnd nützlich volbringen vnd enden /
würde es grossen Fleiß / Müß vnnnd Costen brauchen /
Müssen

Wortred.

Müssen auch die Frommen / Gottseligen Teütschen / hoch und nieders Stands / umb Christliche Hilff vnd trewen Beistand / diß fürgenommen Probatisch Werk zündeln bringen / ersuchen vnd anruffen. Vnd on allen Zweifel / wo die Teütschen / auch der anderen Länder Christlich Personen / dises unsers vorhabenden Handels / grundelich besichte / werden sie vns diß Gottselig Werk / stattlich helffen volbringen / Wie sollichts schon allbereyt an dem Durchleüchtigen / unserm genädigen vnd Christlichen Herrn vnd Landsfürsten von Wirtemberg ic. erscheinen vnd bewisen. Vnd wiewol jr F. S. zu Erhaltung reiner Leere des Euangelij / auch bey den nachkommenden / überall im Landt / auff die Schulen / vñ zu vnderhaltung der veritagten Christen / die Prediger / vñ auff die armen Leute / täglich grosse Almosen / vnd Ausgaben verordnen / aber nichts weniger / haben jr F. S. auch zäm anfang / unsers Wercks / meinen Gehilffen vnd mir / vnderhaltung vnd Herberg genädigest verschafft. Auch on allen zweiffel die Durchleüchtigen / Christlichen Churfürsten / von wegen Ausffbreitung des heiligen Euangelij / vnd der rechten seligmachenden Religion / sonderlich dieweil jrer Churfürstlichen Gnaden / fürstliche Sön / nach laut vnd Inhalt des heiligen Römischen Reichs galden Bull / Keiser Carls des vierdten / am Ende / neben anderen Sprachen / auch die Windische / wöllliche sich mit der Probatischen vast vergleicht / lernen vñ künden sollen / sampt anderen Gottseligen Christen / jr Christliche Hilff / Handreichung vnd Befürderung darzū thän werden.

Auff das aber alle Teütschen / ein warhafftigen Besichte

Vorred

richte haben/was doch für Bücher vnd Sachen/ in vnsern frembden Sprachen bisher gedruckte sein/ auch hinfür getruckte werden/ vñ ire Hilff desto geneigter zu diesem Werk erzeugen/hab ich dieses Register in der Teutsch en Sprach/ die mich doch schwärzlich ankompt / trucken lasse. In dem so wol als in meinen Büchern/würde man sehen vñ finden/das ich vñnd meine Mitgehilffen / nicht leichtfertige oder vnntz sachen / nichts Schwermerisch / Sectisch/ Aufferrißlich/ Zänckisch/ Zweifelhefftig / oder hoch Dissputierlich/ noch Schmachbüchlin / sonder nur was zu Erkennnuß / vñnd ehz Gottes / auch zu erweiterung der rechten Christlichen Kirchen / vñnd zum höchsten Trost / vñnd ewiger Seligkeit / des geengsten / betriebten / von Türcken vñnd Anechrist geplagten vñnd armen Windischen vñnd Crobatischen Volcks / auch zu bekerung der Türcken/dienstlich vñnd fürderlich bisher getruckte / vñnd noch hinfür wollen / danon besehe man hernach das Register / über mein groß Windisch Buch in quarto getruckte / Intituliert / ein lange Vorred über das newe Testament / mit der Hand S am ort verzeichende.

Vñnd nach dem auch E. S. die mehrere Zeit ires Lebens / bey Keisern vñnd Königen / in hohen ansehnlichen Emptern / vñnd vnder anderem auch ein Hochberämpter / Obrister / Landt vñnd Feldehaubtman gewesen / vñnd offte mit eisnen Waffen / wider den Türcken gestritten / vñnd von Keisern / Königen / Churfürsten / Fürsten vñ Herrn / auch Landt vñd Leütten / sonderlich iren Vatterlanden / allzeit vñnd noch mit höchstem geehrt / vñnd geliebt / die sich auch alle gegen E. S. gantz genädigest vñnd gnädig erzei-

B gen/

Vorred.

gen / vnd derselben mit allen Gnaden geneigt sein / vnd aber
erst jetzt im Alter / die ewige / verborgne Weißheit Got-
tes E. S. zu einem anderen Christlichen Krieg / Näm-
lich das Antechristlich vñ Machometisch Reich / mit dem
geschribnen / vnd wunderlichen krefftigen Wort Gottes /
neben vnd mit vns armen einfeltigen Predigern vnd Dol-
metschern / offentlich zü bekriegen verordnet / vnd wonder-
barlich in dises Land darzū geführt vnd gebracht / dann wir
arme unbekante vnd nidern Stands Dolmetscher / sagen
vnd bekennen hiemit frey offentlich / wann E. S. mit so
hohem ermahnen / anhalten / trösten / zusagen / darreichen /
fürstrecken / fürdernuß / auch mit schreiben / Reitten / vnd
Boten außzuschicken / nit so erewlich / Christenlich vnd
fleissig zū vns gestanden vnd behärllich bliben / wir hetten
noch kein Herberg / kein Vnderhaltung / noch Crobati-
sche Druckerey bey einander. Vnd dieweil man dis vnser
Windisch vnd Crobatisch dollmetschen vnd drucken ges-
recht / güt vnd verständig / laut der Windischen vnd Cro-
batischen Selerten Urtheil / vñ brieflichen erkunden / die sie
in disen tagen E. S. haben übersende / ist angefangen / dar-
umb sey Gott im Himmel / durch Ihesum Christum /
ewiglich gelobt.

Derhalben ist an E. S. vnser obgenannten armen
Dolmetscher / vmb der Ex Gottes vñ gemeinen Christ-
lichen Heills wegen / vnderhändig bitten / wölle noch hinfür
vnbeschwärdt vnd vnerdrossen sein / bey den Hoch vnd
Wolgedachten Christlichen Teutschen / hohes vnd nidern
Standes / vmb Christliche Hilff vnd Handreichung / zū
völliger bezahlung der zweien neuen Crobatischen Drucke-
reien /

Vorred.

reien / zu verlegung des grossen langwirtigen dreierley
 Trucks / zu vnderhaltung vnd besoldung der Dolmetscher /
 Setzer vnd anderer Personen / wie obgemelt / eeliche Jar
 lang / vnd zu auffsendung der Bücher in die Windische vnd
 Crobatische Länder / vnd in die Türckey / anze sachen vnd
 anzüriffen / auff das wir nun hinfür die / wölche bissher den
 erste Windische Truck verlegt / sonderlich auch den Christ-
 lichen ceroen / vnseren genädige Landesfürsten von Wirt-
 temberg / ic. auß denen obgemelten rsachen / vnd E. S. so
 oft vnd zävil nicht beschwörn / vnd diß offgemelt hobes
 angefangen Windisch vnd Crobatisch Werck / mit dem
 dollmetschen der Bibel / vnd anderen Gottseligen Büch-
 ern / dardurch nicht allein Gottes Ehr / vnd die Christlich
 Kircher erweitert / sonder auch das Aneichristlich vnd Ma-
 chometisch Reich geschwecche / loblich volende vnd vol-
 bracht werde. Entgegen so gelob vnd versprich ich sampe
 meinen trewen Gehülffen / hiemit Gott / E. S. vnd allen
 denen / die ire Hilff / durch E. S. zu vns legen / das wir mit
 dollmetschen / trucken vnd corrigieren / vnd das sollichs von
 statt gehe / kein fleiß müß noch Arbeit / bey tag vnd nacht
 sparen / vnd alles das / was von mäniglichen durch E. S.
 oder andere / vns dargereicht würdet / wol vnd Gottselig /
 vñ nitendert anderst hin / dan wo des offgemelten Wercks /
 grosse vnd vnuermeidliche Nocturfft erfordern würdet /
 anlegen vnd aufscheilen / vnd dauon E. S. vor der hoch-
 loblichen Vniuersitet zu Tübingen / oder sonst vor ehli-
 chen Leütten / auffrichtige / erbare / gute Raittung thün-
 en / dieselbig auch allen Fürsten vnd mäniglich / wer ein-
 che Hilff darzu gethon / vnd sollichs von vns erfordern wür-
 det / jederzeit zustellen wöllen.

B ij Was

Vorred.

Was aber für ein Lob / ewige Gedächtnuß und Belohnung / bey Gott vnd allen Außerwölten / hie vnd dort / alle die / wölche diß hoch Christlich Werck / dardurch vil einfältige / verfürte / vnd ungleubige Menschen / zum rechten Glauben gebracht werden / befürdern helfen / haben vnd erlangen / darnon wer jetzunder zu lang zuschreiben / sonder ein jeder lesß für sich selbst / Daniel. 12. Ezech. 3. 33. Esa. 52. Math. 13. 24. Rom. 10. Iaco. 5. was Christus / die Propheten vnd Aposteln / denen / wölche die reine Leer des Euangelij befürdern / die einfältigen im Glauben rechte vnderrichten / verheissen vnd zusagen.

Der ewig güctig Gott / der wölle von wegen seines geliebten Söns Jesu Christi / vnser Herr vnd Seligmachers / E. G. sampt iren geliebten Gottseligen Gemabel / vnd Kindern / bey der erkannten vnd bekanneten Warheit des heiligen Euangelij / je lenger je mehr / durch den heiligen Geist / reicher vnd stercker machen / auch bey derselbigen biß ans End erhalten vnd bewaren vor allem Ubel / Amen. Datum Drach den ersten tag Junij / im 1 5 61. Jar.

E. G.

Vndertheniger vnd
williger Capplan.

Primus Truber / ges
weßner Thambherr
vnd Prediger zu Cas
bach im LandsCrain.

Ein summarischer Bericht vnd kurtze Erzölung / was in einem jeglichen Windischen Büch / von Primo Trubero / biß auff diß 1 5 6 0. Jar / in Truck gegeben / fürnämlich gehandelt vnd geleert würdt. Beschehen auß Befehl eines Christlichen Teitschen Fürsten / vnd zu ableinung vnd entschuldigung der falschen Bezüchtigung vnd Angeshung / als ober Truber etwas Schwömerisch / vnd der Augspurgischen Confession zuwider / in seinen hernach gemelten Büchern gesetzt solce haben. **Accum**
 Zinstag den 2. tag Januarij /
 im 1 5 6 0. Jar.

Summa vnd Inhalt
des ersten getruckten Windischen
Büchlin / in octaua / intituliert / Catechismus in der Windischen Sprach / &c.

Diß Büchlin ist des Trubers erste Prob / ob man auch die Windischen Sprach / schreiben vnd lesen möchte / wölches er heimlich vnd vnder einem erdichten Namen / (von wegen / das ime die Superattendenten der Truckereyen / an zweyen orten / für zeit des Interims / gemele Büchlin / zu trucken nicht wolten gestatten) hat müssen
 B ij trucken

erwecken lassen / dasselbig heist ihm sich dise nachfolgende
Stück.

- I. Das erst Stück / nach der teütschen Vorred / ist ein vermanung an alle Windische Pfarherr / Prediger / Schülmeister / vnd Eltern / das sie ire beuolbene Jugend den gantzen Catechismum / von wegen seines grossen / vnaußsprechlichen Nutz / den die Jugend darauß haben würdt / ererlich vnd fleißig / mit verlesen vnd singen lernen sollen.
- II. Das ander Stück / ist ein Vnderricht / wie die ersten zwen Menschen von Gott erschaffen / wie sie in die Sünde gefallen / vnd wie men die erste Verheißung von der Erlösung sey geschehen.
- III. Das dritt / ein kurtzer Vnderricht / warumb vns die zöhen Gebott seind geben.
- IIII. Die zöhen Gebott / wie die Moises am 20. Capittel Exodi beschriben hat.
- V. Von wem / vnd warumb / der kurtze Kindische Glaub gemacht sey.
- VI. Der Apstolisch Glaub / in zwölff Stück getheilt.
- VII. Was das Gebett sey / wie / warumb / vmb was / wölschen Gott / man bitten soll.
- VIII. Das Vatter vnser / in sibem Bitten getheilt.
- IX. Wer / warumb / das Predigamt / vnd die h. Tauffe sein eingesetzt. Darbey ist auch / von der Erbsünd / vnd warumb der Son Gottes Mensch worden / etwas gescriben.
- X. Sprüch vnd Zeugnussen auß der Geschripte / von dem Predigamt / vnd von der Tauffe.
- XI. Was die h. Sacrament sein / wer sie eingesetzt / warzú / was sie wirken vnd bedeytten. Die

Die gemeine Vermanung / wann man des H E R ^{XII.}
R E N Nachemal halten will.

Die Wort der Stiffung des Abenemals Christi. ^{XIII.}

Sprich vnd Zeugnissen auß der Geschriefft / das alle ^{XIIII.}
Menschen geborne Sünder seind / vnd der ewigen Ver-
damnuß vnderworffen.

Lautere Sprich vnd Zeugnissen / auß der H. Schriefft / ^{XV.}
das wir arme Menschen / von vnser allen Sünden / vom
Zorn Gottes / Todt / Teuffel vñ vom ewigen Verdams-
nuß / allein durch das leiden vnd sterben Christi / so wirs
rest glauben / das solches vns zu güt sey geschehen / sein er-
löset / vnd das ewig Leben bekommen.

Vnderweisung vnd Verantwurtung / das allein die ^{XVI.}
Werck / wölche Gott gebotten / so sie im Glauben gesche-
hen / Gott gefallen.

Leer der Apostel / wie sich ein jeder Christ in seinem ^{XVII.}
Beruff halten soll.

Hierauff volgen die Auslegungen / in Reimen vnd Ges ^{XVIII.}
sang weiß / von Adams Fahl / vnd des gantzen Catechismi
darnach die Letaney / Collecten vnd Gebett / für alle
Christen / für Keiser / König / vnd für ire Kinder.

Am letzten / ist ein gantze Predig / von dem Wort / ^{XIX.}
Glaube / vnd von Glaubens eigenschafft vnd würckungen /
colligiert auß Alirici Büchlin / de voce & re fidei.

Von disen Stucken allen / zeugen auch die lateinischen
Tituli / die im Büchlin vor einem jeden Stuck oder Ar-
tikel / gesetzt sein.

Inhalt

ammm3

**Inhalt der zweyen klei-
nen Büchlin in octaua/ das ein mit teit
schen/vnd das ander mit lateinischen Büch-
staben getruckt/ beide intituliert/
Abecedarium.**

1. Seind Namenbüchlin/darauff die Kinder/Windisch
lernen lesen vnd schreiben/ in dem einen ist auch des Brentij
kleiner Catechismus/vnd wie man vor vnd nach Essen/zü
morgen vnd Abendt/bey dem Bet/betten soll.

**Inhalt des kleinsten
Büchlin/in decimala intituliert Ca-
techismus V slouenskim Iesiku.**

1. Ist der klein Catechismus Lutheri/ in Fragstück ge-
stelt/ gleichwol etwas in der Ordnung verendert/vnd auß
Melanthonis/Dibani Regij/vñ auß dem grossen Bren-
tij Catechismo gemehret. Darbey seind auch des vorigen
Catechismi Gebett vnd Lehr der Apostel / wie sich die
Oberkeiten klein vnd groß/die Vnderthonen/die Bis-
choffen/Prediger/Eltern/Herrn/Knecht/Jungs-
frawen/Witfrawen/vnd ein jeder Christ / in seinem
Ampt vnd Stand/gegen Gott vnd seinem Nächsten hal-
ten soll/rc.

Summa

Summa vnd Inhalt

des grossen Buchs / in quarta getruckt /
intituliert. Ta perui Deil tiga Nouiga
Testamenta.

Im anfang ist ein Summa der gantzen H. Beschrift / I.
darnach der Calender / ein Tafel der Sonntäglichen Büch-
staben / vnd ein Register / wieuill jedes Büch / des alten vnd
nerwen Testamenes Capittel habe / vnd wie ein jedes Büch
lateinisch genant / kurz vnd lang geschriben würdt.

Blgendes ist ein lange Vorred über das gantz new II. a
Testament / darinn seind die fürnämbssten Haupte-
artickel des Christlichen Glaubens / mit gütter
Ordnung eingefürt in fünff Theil / vnd 26. Capittel ab- 62
getheilt. Mit diser Vorred / vermeint vnd will der Tru-
ber / nicht nur allein den einfältigen / Windischen vnd Cro-
batischen Christen / ein Vnderricht / vnd ein gütte An-
leitung geben / wie sie das new Testament / vnd die gantze
H. Beschrift / mit Mutz vnd Verstand lesen sollen / Sone-
der er will mit disem seinem schreibē (deswegen er sich hoch
beffissen / vnd alle seine Gedancken vnd Arbeit dahin ge-
richtet) auch die Türcken zu Erkennnuß irer Sünden /
vnd verderbten Natur / zu rechter Büss / zu dem waren
Christlichen Glauben / bringen. Das sie darauß erkennen /
das jr Nachometischer Glaub / ein falscher / erdichter /
nerwer / Teuffelischer Glaub sey. Vnd das jederman dar-
C auf

auff lerne die Gnad / vergebung der Sünden / vnd das es
wilt Leben / bey Christo allein / durch den Glauben zuffs
chen / vnd wisse / wie er Gott soll dienen / betten / Gottselig
leben / vnd was er sich trösten soll / in Widerwertigkeiten /
Befäncknissen / vnd in Todtsnöthen / &c. Darumb vnd
von des wegen schreibt vnd leeret er weicleufftig mit vilen
Sprüchen vnd Exempel / in dem ersten Theil / diser sei
ner gemelter Vorred / in den dreyzehn Capittel nach ein
ander / was das Wort Euangelium für ein Wort sey / was
es in sich halte / warumb die Reden / Predigen / vnd Bes
schriften / von dem Son Gottes Euangelia genennt wer
den / was wir auß dem Euangelio für Nutz vnd Güttet
empfaben / wievil der Euangelia / vnd wie alt die seind / &c.
Darnach so legt er auß reichlich vnd verständig / die erste
Verheiffung / von des Weibes Samen / vnd beweist mit
der selbigen / vnd mit Abrahams / der andern Erznäts
tern / vnd aller Propheten Glauben vnd Predigten / mit
iren vnd der Aberglaubischen Juden / vnd der Heiden Opf
fer / das sie nicht allein das Vibe / sonder auch Menschen /
in grosser Gefahr / offte geopffert haben. das vnser Christ
licher Glaub / allein der recht / war / seligmachende / vnd
der aller elteste Glaub sey. Dann diser vnser Christlicher
Glaub / ist von Gott selber im Paradiß gestiftet vnd
geprediget dem Adam vnd Eua. Disen hat Adam vnd
Eua / nach jnen alle Gottselige Erznätter / Moises vnd
Propheten / angenommen / darnon jren Kindern / bey
jren Altarn vñ Opfern gepredigt. Vnd alleindurch disen
Glauben / an den verheiffnen Samen des Weibs / das ist /
an den künfftigen Christum / seind Adam / Eua / alle
Erznätter /

Erzquäcker / alle gleybige Juden vnd Heiden / selig worden / 2c. Vnd wer würfft also darmit vnd darbey / der Lircken / der jetzigen Juden vnd Romanisten Glauben / die sich auch fälschlich rühmen / ir Glaub sey recht vnd der electest / vnd beweiset / das ir Glaub / ein falscher / erdichteter / vnd Teuffelischer Glaub sey / der die Menschen in das Höllisch Feuer bringe.

In dem andern Theil der gemelten Vorred / von dem III. 13. biss auff das 33. Capittel / leeret er erstlich / vnd bezeuget auß dem ersten vnd andern Capittel / des ersten Buchs Moysi / vnd mit andern Sprüchen / des alten vnd neuen Testaments / das in dem einigen / ewigen / Göttlichen Wesen / seind drey vnderschiedlich Personen / 2c. Sagt darnach / was das rechte Bild Gottes sey / nach wöldem die ersten Menschen seind erschaffen / wie sie voll des heiligen Geists / vollkommenlich heilig / from / gerecht / Gott mit ganzem Herzen geliebt / kein bösen Lust noch Begird / wider den Willen vnd Befehl Gottes gehabt / klug vnd verständig / in allen Himlischen vnd irdischen Dingen / stark / vnforchtbar / vnd vnsterblich gewesen. Vnd wie sie solche Erleüchtungen / hohe Gaben vnd Tugenden / durch ihren Ungehorsam / nicht allein jnen / sonder vns jren Kindern allen / verlorren haben. Item / so sagt er grundtlich vnd ordenlich / was die Erbsünd / die würckenden Sünden sein / von wem sie jren Ursprung haben / was sie vns für Schaden gebracht / vnd noch täglich bringen. Item / vom Vnderscheid / der lässlichen vnd eddelichen Sünden / die wider die Gewissen geschehen / 2c.

IIII. Im dritten Theil vom 33. bis auff das 46. Capittel/
 handelt vnd leeret er weitläuffig / von der Rechtfertigung
 des Menschen / vnd auff das die einfältigen Windischen/
 Crobaten vnd Türcken / disen wunderbarlichen Rhat
 Gottes / das er seinen ewigen / eingebornen Son / einen
 Menschen werden / vnd dermassen leiden vnd sterben lassen/
 dest leichter möchten begreiffen vnd verstehn / hat er am
 ersten eingefürt / die hüpsche / Gottselige Meditation S.
 Bernhardi von der Menschwerdung Christi / vnd die zwö
 Bleichnussen / Math. 18. vom Knecht / der zöhen tausent
 Pfund dem König schuldig war / vnd hetts nicht zäbezas
 len. Vnd Luc. 10. von dem / der vnder die Mörder fiel/
 vnd vom Samaritan seinem Arzjet. Mit disen Bleich
 nussen / vnd mit vnzölichen / vilen / verstendigen Sprüchen/
 auß der H. Geschüfft / vnd der alten vnd neuen Leerer/
 zeigt er an / die rechten Ursachen / warumb der Son Got
 tes Mensch worden / gelitten / gestorben / nämlich vmb vns
 serer Sünde willen / vnd auferstanden vmb vnser Berech
 tigkeit willen / vnd das die Menschen / durch kein ander
 Mittel oder Weg / des Verdiensts Christi vnd aller sei
 ner Wohlthaten vnd Gütern / theilhaftig mögen werden/
 dann allein durch den rechten Glauben an ih / vnd durch den
 rechten Gebrauch der heiligen Sacramenten / r.

V. In dem vierden Theil vom 46. bis auff das 57. Cap
 ittel / veranewurt er die fürnämbssten gegen Argument/
 vnd Einreden / wider dise vnser / rechte / seligmachende
 Leer von der Rechtfertigung / vnd zeigt darneben an acht
 Ursachen / von derowegen vns das Gesetz von Gott ist
 gegeben /

gegeben / vnd acht vsachen / warumb die gerechtereitigen Christen / nun hinfür frumb sein / Gott vnd irem nächstendienen / vnd gäte Werck thün sollen ic.

In dem fünfften Theil vom 5 7. bis auff das 6 2. Ca. VI. pitel / erzelt er neyn vsachen / warumb die rechten Christen souil in disem Leben leiden müssen / vnd zeigt darneben fünff Tröstungen / sich darmit in iren Anfechtungen vnd Trübsalen / das sie an der Hilff vnd Barmhertzigkeit Gottes nicht verzweifflen / wissen zu trösten / vnd beim Christlichen Glauben / bis auff ende züerhalten / darneben leert er / wie sie Gott recht anrufen vnd bitten sollen / warumb Christus souil Zeichen gethon / vom vnderscheid der rechten vnd falschen Zeichen / wer die vier Euangelisten gewesen / warumb die Euangelisten / Moyses / Propheten vnd die Apostel geschriben haben / ic.

Nach diser langen Vorred / volgen alsdann die vier VII. Euangelisten / vnd der Apostel geschicht / auß zweien lateinischen / auß zweien Teutschen / auß einer Wältschen / auß einer Böhemischen Translationen / vnd auß einem Crobatischen Messbüch vertolmetsetzt / ire Capittel hat er in paragraphos abgetheilt / vnd bey jedem paragrapho seine Summaria vnd kurtze annotationes vnd concordantias Bibliorum hinzü gesetzt.

Am ende dises Büchs ist ein Register / so da anstweiset / VIII. in wölchem Euangelisten / Capittel / paragrapho vnd Blat / ein jedes Sonetzlichs / vnd der andern Fästen / Euangelia züfinden sein / vnd darbey seind annotationes vnd
C iij kurtze

Eure Ansehung über alle gemelte Euangelia / in denen
er sich beflissen / vnd darüber allerley commentaria vnd
Notzillen gelesen / die nöthigsten vnd nützlichste Leer von
der heiligen Dreifaltigkeit / von beiden naturen Christi /
vnd von seinem Ampte vnd Verdienst / was des heiligen
Geistes Ampte vnd Wirkungen seind / vnd was in jegli-
chem Euangelio die fürn. besten Leer / tröstungen / straf-
fen / beiserungen / züchtigungen vnd ermanungen ic. seind /
anzuzeigen vnd züberichten.

Summa vnd Inhalt

des letzten getruckten neuen Windi-
schen Büchs in quarto. Intituliert / der
ander halb Theil des neuen
Testaments.

- I. Inhalt dieses Büchs / sagt die teutsche Vorred / an Kün-
ig Maximilianum gestellt / im andern vnd dritten para-
grapho / lautter vn̄ genugsam / das es die Epistel zū Rō-
mer / mit einer langen Vorred / vnd mit kurtzen argu-
mentis vnd scolijs sey / ic.

Dise oberzete Senck / vnd nicht andere / seind in des
Primi Trubers Büchern / die er auß der Prophetischen
vnd Apostolischen Beschrift / im rechten Catholischen /
vnd



Und die Aug. Kir. giffen Confession darsunder thea-
logen brüder sel genommen Und getriekt, Im ist also
Und nicht anders.

Christo dem Herren, sey Lob und danck
Im und lob, Amen.

In diesem 1561 Jar, hat die Trübe mit lakimiffen Auf-
gaben in der Windiffen Mayt nicht, dann die Juri Geist-
lich zu Loviffen, und an die Galatze, auf mit kühnen An-
gimander und Tölinen, trücken lassen. Ist aber beschriben, so
er ist sel, und Gott ist beim Leben, wofaltu würdt, hat
überig, was nach dem neuen Testament geford, und die Jar
zu beschreiben & dazzu gab Christu sein Grad und Geist.
Amen.

1116

Faint, illegible text at the top of the page, possibly a header or introductory paragraph.

Main body of faint, illegible text, appearing to be several lines of a letter or document.

Yours faithfully,
[Illegible signature]

Additional faint, illegible text at the bottom of the page, possibly a footer or a second paragraph.

